

Сяда смелста выдвигать комсомольский работати од активт

Йотась сембоц аф лама пинге, кода лиссь светс ВЛКСМ-нь ЦК-ть XI-це пленумонц „Комсомольский активт мархта работати цебарь-гофтоманц и комсомольский аппаратт соответствующий перестройканц к о л г а“ решенияц, ВЛКСМ-нь лама комитетт кярмодсть ви сонь практически реализовандамонца. ВЛКСМ-нь Чамзинский райкомс пуроптсь 4 постоянной комиссия и синь председателсна сембе кемокстафт райкомт пленумсонца. Военно-физкультурнай работати коряс комиссияс таргазень эсь работазонца запасонь од командирхнен, конат тяде тонафтыхть военнай тевти 500 комсомолец.

Тяфтажа цебарьста ащи тевсь пленумт решениязон реализациясон коряс Горбееван и Кочуровань райоттнень эса. Тяся тяфтажа кочкафт комиссиятне и кажнайсь синь эздост кярмодсь ни эсь тевозонца. ВЛКСМ-нь Кочуровский районца, например, культмассовой работати коряс комиссият членонц Дрогунов-ялгась якась лама избачиталняс, лездсь избачневди, сьормадомс работань платт, ладямс велеса культмассовой работати. Кочкам полнай сведения районца культурно-массовой работати состоянианц колга, Дрогунов-ялгась пүтозе тянь колга кизефкст ВКП(б)-нь райкомт и райисполкомт инголе, конат тянь коряс июль 23 шикотонза йотафтсь избачнев мархта совещения.

Однако улихть нинге комсомолонь райкомт, кола Рузавская (секретарсь Чижова-ялгась), Ст.-Шайговский (секретарсь Каминин-ялгась), конат тянемс учихть нинге кодама-бди указаният, полностью комиссиятка нинге ашеть пуропта. Кой-кона райкомонь секретархне инголецк пелихть выдвигать од активт, а вешихть сяда сире, оцю стаж мархта комсомолецт. Тяфта, например, тись ВЛКСМ-нь Лямбирский райкомс (секретарсь Баляев-ялгась). Военно-физкультурнай работати коряс комиссият председателкс кемокстасть комсомолец, конанди 31 киза. Атюревский районца секретарти заместителкс кемокстасть комсомолец, конанди 32 киза. Од кадрань руководящай комсомольский оргаттневди выдвиганият эзда пелемась осужденнай ВЛКСМ-нь ЦК-ть XI-це пленумсонца.

ВЛКСМ-нь райкомтневди эряви аф тарксемс пингсь перестроикать мархта, ладямс работати стаян, кода веша ВЛКСМ-нь ЦК-ть XI-це пленумонц.

Эрзерумт районца турецкий войскатнень концентрациясна

Американский Юнайтед-Пресс агентстват стамбулский корреспондентонц пачфнеманц коряс, цебарьста информированнай нейтральной кружкень эса корхтайхть, што тяниень пингть Эрзерум району кучсви турецкий войскань оцю лувкс.

(ТАСС).

Кеподсь комсомолецнень мяльсна

Аф мерамшка кассь Ромодановский районца лама колхозонь комсомольский организациятнень эзга комсомолецнень производственной активностсна. Тянь колга корхтайхть комсомолецнень замечательнай тевсна сьора урядамать эса. „Ударник“ колхозса первичнай комсомольский организацияс (секретарсь Игонин-ялгась) обсуждамок эсь собраниясонца ВЛКСМ-нь ЦК-ть XI-це пленумонц решениязон, сембе мяленц шарфтозе сянь лангс, кода сяда цебарьста йотафтомс сьоронь урядамать. Тянь инкса тозк жа собранияс кемокстазь комсомолецнень паксянь инь ответственной тевненди. Комсомолецнень активнай участиясон вел де колхозс аделазе розень нуманц и ушедсь гяляма. Комсомолецс Терехин жневкаса лядезь норманц пашкотышнеше 150 процентс.

Цебарь результат собранияда

меле роботасост сатсть „Новая жизнь“ колхозса комсомолецневок. Лац ладязь паксяс комсомолецонь вийть. Тянь мархта лездсь колхозти нюрхкяне срокста аделамс розень нумать. Тяфтажа ламода кассь комсомолецнень производственной активностсна „Свобода“ колхозсонга. Тяся 8 комсомолецт и вейхсоцесь сонць секретарсь Горюнов-ялгась фалу работайхть сьора урядамаса. Синь сембе работань нормасон пашкотышнесазь 130—150 процентс и цебарь качества мархта.

Но сембе нят нинге васенце результатне, конатнень лангс, конечно, аф эряви логкемс, а сатомс сембе од и од победат социалистический родинать пользас.

Ферцев,

ВЛКСМ-нь Ромодановский райкомт секретарец.

Кассь комсомолецнень активностсна

Районнай комсомольский активонь собранияда меле, конат йотаффт ВЛКСМ-нь ЦК-ть XI-це пленумонц решениязон коряс, лама первичнай комсомольский организациява ламода цебарьгоффт комсомольский работась. Кепотыксонди сяфтяма Пявгийя велень (секретарсь Бесыкаев-ялгась), Апраксина велень (секретарсь Бычков-ялгась) и Апраксинский МТС-нь первичнай комсомольский организациятнень. Тяся пленумт решениядонца меле ламода кеподсь комсомолецнень активностсна.

Тяфтажа нят организациятнень эса ламода цебарьгодсь военно-физкультурнай работась. Пуроптфт кружокт, коса од ломат-

тне тонафнихть военнай тевть. Тяни нят организациятнень эсаярцок нят мероприятиятнень мархта моли вишке аноклама комсомольский руководящай органонь кочкамати. Начиналы и Сайгуши велетнень эса комсомолецне йотафнихть оцю массово-разъяснительнай работа колхознай од ломаттнень йоткса, штоба ознаменоват кочкаматнень од производственной победаса, од ломаттнень йоткса социалистический соревнованият и стахановский движеният сяда келиста вишкотеманц мархта.

Мирошкин,

ВЛКСМ-нь Чамзинский райкомт секретарец.

ПРУДСЬ ЮКСТАФ

Веселовка велеса (Темниковский район) нинге кучаракиге ульсь прудяф пруд. Аф кржа сон каянесь велети пользада кода жувань симома васта. Но пинге йотазь сонь эзонза вармась уфсесь шувархт, мусорхт, и тяфта валомне-валомне соя пятай йофси пандовсь. Тяни ведьта илядсь эзонза

сяра, што траксонди симомска аф саты. Колхозникнень йоткса аф весть ульсь корхгама, што прудсь эряви арпгомс, но колхозгь председателец Резепов-ялгась синь корхтамозг афи кули.

Ароль шуре велень од ломаттненьди тя тевсь сявомс эсь кядезост.

Курмайкин.



С. М. Кировт лемса заводонь (Горловка) комсомолецне-допризывникне отлична тонадсь пулеметса лянцендема.

СНИМКАСА: (кяржи ширде види шири) токарь В. М. Данилов и электрослесарсь П. А. Зубрицкий.

(Фото-клишесь ТАСС-ть.)



СНИМКАСА: Прославленный летчиксь авиациянь генерал-майорсь Н. Т. Петрухин, конац награжденый 4 ордена.

(Фото-клишесь ТАСС-ть)

Военно-Морской Флотонь шись Саранскийса

Июль 28-це шикотонза Инсарка лийть берягонца пашкельхть ломаньда. Ровна 12 частса Мордовиянь осводть начальниконц Павловский-ялгась панжезе митингть, конац посвященый Военно-Морской Флотт шинцты. Митингта меле ульсь организовандафт ГТО-нь значокти ведьса нормань максомась, а меле ульсь соревнованият уемать коряс.

Инь ламос (1 минута 35 секунда) ашесь ведть погмоса осводовецсь Базарнов-ялгась.

Афицальная палксть аделамда меле мянь 21 частти модемс ульсь шлюпкаса и катерса уендема.

Тя шиня илять Пушкинт лемса паркаса Военно-Морской Флотт шинц честьс ульсь массовой гулянья и ульсь няфтьф кинокартира „Моряки“.

АФ АНОКЛАЙХТЬ ВЕТОЧНАЙ КОРМАТ

„Ленинг киге“ колхозгь председателец Келин-ялгась ламоксть корхнекшнесь районнай руководстват инголе, што кормась жувагань касфтомаос основнось и што синь курук кярмодихть тя тевти. Но Келин-ялгась валонза мес бди аерткшнихть тевть эзда. Тянимс колхозс веточнай кормань анокламати ашезь кярмодь. Правленият членонца инголи эсь жуваганонды йорайхть анокламс корма, а меле обществен аихненди.

Тяфта, полеводсь Иван Петрович Климкин эсь жуваганзонды анокласть и веточнай корма, и силос, и тише, а колхознай жувагантнень ширес аф шарфни кодамовок мяль. Конешна, тяфтама Климкитт улихть кой-кона иля колхознень эсонга, конат заботендайхть аныцек эсь личной благополучиясон инкса, а общественнай интереснень йорясозь боку. Синь каршезост эряви кемоста тюремс.

Глушковский.

Кадошкинский район.

КОМИССИЯНЬ ЧЛЕНТЬ РАБОТАЦ

Аньцек тяни, ВЛКСМ-нь ЦК-ть XI-це пленумонц решениядонза меле, активсь марвек таргаф комсомольский организациять активнай эряфозонза. Лама ялгат, конат могли пашкодемс райкомть любой поручениянц, иляткшнесть комсомолть активнай работанц эзда ширеса. Тяфтама комсомолецнень лувкса ульсь и Родионов ялгаске. Аньцек тяни, июльте 16-це шистонза, ВЛКСМ-нь Ромодановский райкомть пленумоц кемохстазе снь культмассовой коммиссияти председателкс. Иотась сембоц аф лама пинге, Родионов ялгась пашкодсь ни райкомть ширде лама ответственной порученият. Сон йотафтсь ниле организациява комсомольский собраният, организовандась агитбригада, конац якый колхозга, тиенди колхозникнень инголе тозк, паксяса, художественнай выступленият. Тя аф лама пингть Родионов ялгась сатсь оцю авторитет комсомолецнень йоткса. Тейнза эрь шиня разнай кизефкс мархта сашенды лама комсомолец—избачт и первичнай организациянть секретархть; максис совет тейст, кода сяда цебарьста ладямс од ломатнень йоткса культмассовой работать.

АШ МЕСТЬ ТИЕНДЕМС

Странать сембе ужениязон эзга мольфтери кеме тюрема раздутаи штатть и работаса канцелярско-бюрократический метотнень каршес. Правительствась, лувомок народть требованиязон, вешсь и веша эрь предприятия и учреждениянть руководителть ширде уплотнить рабочей шить. Но Саранск ошень идень паркть директороц Дяшкина ялгась тянь ширес афи кули. Тячимс эсь аппаратсонза кирди 13 ломань, конатнень лувкса 2 сторошт, 3 пионервожатыхть, 3 групповотт, кладовщик, завхоз, физкультурник и директорсь сонць. Но сторожда башка, лац-рядс эздост кивок аф работай. Завхозсь паркть внутренний распорядканц коряс должен вانونомс порядокть мельге, штоба тоса афоль уль хулиганства, мезть мог ба тиёмс сторожське.

Эряви видеста азомс, што тя штатти паркса тиендемс аш мезть. М. Сайгин.

ВИШКОПТЕМС КОМСОМОЛЬСКИЙ АППАРАТОНЬ ОДУКС ТИЕМАТЬ

ВЛКСМ-нь Инсарский райкомть секретарец Лосев ялгась кочкась цебарь активистт-общественникт, конат кемохстафт райкомть виде-са постояннай коммиссиян членкс. Силь кярмодсть ни работати. Пропагандань и агитациянть коммиссиясь, коза председателкс кочкаф Соколов ялгась, макссь коммиссиян члеттнени заданият. Коммиссиясь арьсезе содамс, кода комсомольский первичнай организациява комсомолецне тонафнесазь марксистско-ленинский революционной теорият, а тоса, кода тя тевсь лоткафтф, максомс практический лезкс. Кочкафт комсомолецт-активистт чтецокс, бригаднай стенгазетань ноляма, конатнень инголи путф задача, штоба таргамс сембе комсомолецнень сьоронь урядамаса активнайста участвовандама.

Аф кальдявста ушедозе эсь работанц культурно-массовой работань коммиссияське, коза председателкс кочкаф Панькинъ ялгась. Тя коммиссиясь организовандась агитбригада, кона обслуживает колхознень сьоронь урядамат пингста. Сон кармай азондома колхозникнени партият и правительствать важнейшай решениязон, кочкай цебарь кадрат избачитальнятнени и йотафты лама лия культурно-массовой мероприятият.

Школьный од ломатнень мархта работаса коммиссиян председателсь Колесникова ялгась коммиссиять сембе работанц шарфтозе сянди, штоба проверямс, кода баш-

ка школатне аноклайхть од тонафнема кизоти. Работать ушетксоц замечательнай, аньцек ВЛКСМ-нь райкомть секретаренцы эряви витемс эрь шинь контроль, максемс коммиссияти направления, лездомс коммиссиять практический работанцы. Тя работать аньцек ушетксоц, но инголе работада пая лама, эряви работамс да работамс. Аф ваномок тянь лангс, лама райкомт тянь нинге ашезь шарьхкоде кода эряви и тячимс аф йотафнихть кодамовок работа. Всякай лаца тарксихть комсомольский работань одукс тиёмань пинкнень эса.

Аташевандь, Шайговандь и лама лия райкомт нинге тячимс ашезь пуропта актив и бюроса ашезь кемохста нинге коммиссиятнень. А башка райкомонь секретархне пелихть доверять тя ответственной работать од, активнай и провереннай комсомолецнени, мезень сюнеда коммиссияв кочксихть комсомольский возрастста лисьф комсомолецт. Лямбирьса пропагандань и агитациянть коммиссияти председателкс кемохстасть 1912 кизонь возрастса комсомолец, Атюрьеваса 1909 кизонь возрастса комсомолец путсть военно-физкультурнай коммиссиян председателкс.

ВЛКСМ-нь райкомтнени эряви лацкас шарьхкодемс ВЛКСМ-нь ЦК-ть XI-це пленумонц решениязон и сийн корязост вишконтнемс комсомольский аппаратонь одукс тиёмать. Пятунин.

ПЯШКОДЕМС ВЛКСМ-нь ЦК-ть XI-це ПЛЕНУМОНЦ РЕШЕНИЯЗОН

Июльте 24-це шистонза Барановка велень комсомольский организациясь йотафтсь собрания, кода обсудили ВЛКСМ-нь ЦК-ть XI-це пленумонц решениязон комсомольский активть мархта работать и комсомольский аппаратть перестройканц колга. Собраниясь корхтасть, што комсомольский организациять секретарец Явишкин ялгась кодамовок работа комсомолецнень и аф союзнай од ломатнень йоткса ашезь вите. Собраният йотафневсть случайстаслучайс, комсомолецнени порученият ашезь максев, и сембонь тянь сюнеда кой-кона комсомолецне, кода И. Черкашевсь, С.

Рощинць ашезь панда членский взносон 4—5 ков.

Собраниясь корхтасть, што улихть комсомолецт, кода Данилов Семенць и лама илят, конат цебарь кепотыкт няфнихть эсь производственной работасост. Силь работань нормасон пашкотыкшнесазь 100-150 процентс. Но сийн работань опытсна илятнени аф максевихть.

Собраниясь марнек одобрил ВЛКСМ-нь ЦК-ть XI-це пленумонц нят решенизон и мяргсь сембе комсомолецнени йотафтомс сийн эряфс.

К. Черкашев.

Атюрьевандь район.

ЕВРОПЕЙСКИЙ СТРАНАТНЕНЬ ВОЕННАЙ ДЕЙСТВИЯСНА

Германский армиянть верховнай командованиять июльте 30-це шинь сводкасонза азондов, што июльте 29-це шистонза германский пикирующей бомбардировщикне тисть воздушнай налет английской Дувр портть лангс. Тоса ащи якорь лангса ниле парашоттне, конатнень общий тоннажсна 32 тьожатть тонна, получасть стама оцю повреждения, што сийн можнат лувомс стройста лисьфокс. Тя налетть пингста ульсь пая вишке воздушнай бойхть неприятельский истребительнай соединениять каршес, конань пингста ульсь прафтф английской 15 самолет. Германский авиациясь имафтсь 3 самолетт.

Ла-Маншса и Англиять восточнай побережьясонза ваяфтф неприятельский фкя крейсер, конань водоизмещения кемоньшка тьожань тонна, и фкя торговой паракход.

Английский сведениятнень коряс, веть июльте 29-це шистонза английской самолетне бомбардировандазь Северной и Западной Германияса горючайнть склаттнень, докнень, товарнай склаттнень, а тяфтажа Германияса, Голландияса, Бельгияса и Северной Францияса 17 аэродром. Ня операциятнень эзда ашезь мрда эсь базазост колма английской самолетт.

Итальянский командованиять сводкаса корхтави, што июльте 29-це шистонза итальянский самолетне Средиземнай морять восточнай пильксонза аф весть бомбардировандазь противникть суднань караванонц и сонь конвоировандай военной судчанзон. Лама кораблят пая поврежденнайхть, сийн эздост фкять эсатиевсь пожар.

(ТАСС)

ГЕРМАНИЯСЬ АНОКЛАЙ НАСТУПЛЕНИЯ АНГЛИЯТЬ ЛАНГС

Кода пачфни Юнайтед-Пресс американский агентствась, германский войскадне и военной кораблятне пуропневихть французский северо-западной порттнени. Тяза жа молихть поезттневок. Франциять сембе оккупированай пильксонц побережьясонза, кода ащи Англиять каршеса Дюнкеркта сявомок Брестти модемс, няндеви германский войскатнень инголи модемсна. Путешественникнень заявлениясон коряс военной приготвлениятне мольфтевихть мянь сяда милень кувалмос странать потмозонза. Кой-кона райоттнень эзда гражданский населениясь эвакуированай. Немецне йотафнесазь войскасон и вооружениясон веть. Французский порттнени прважафт торпеднай катерхт и эсминецт.

(ТАСС)

Ответ. редакторть заместителъ И. ЧУДАЙКИН.

ТЯЧИ МЕЖДУНАРОДНОЙ АНТИВОЕННОЙ ШИСЬ

1914 к. августста, 26 кизода тяда инголе, ушедсь 1914—1918 кизонь империалистический войнась. Сонь эсонза примасть участия 33 государства, конатнень населениясна ульсь миллиард пядеда лама ломань.

Большевиконь партиясь, Ленинонь — Сталинонь партиясна, эстакиге и апак пельхть кепозеде империалистический войнать каршес тюремань знамят.

1914 к. октябрьста Ленин сёрмадсь: „Тяниень империалистический войнать гражданский войнакс шарфтомац-тя единственна правильнай пролетарский лозунгсь: „... (Соч. т. XVIII стр. 66).

Тя ленинский лозунгсь пачкодсь миллиотт рабочайнъ, крестьянонь, солдатонь сознаниясь, и большевистский партиять руководстванц вельде Россияса сийн йордазь самодержавиять, буржуазнай правительствать и тисть советский власть.

1914 к. Ленин пуроптсь III Коммунистический Интернациональ,

конац тердезень сембе миронь трудящайхнень Августть 1 шинь шарфтомс международной антивоенной шикс. Августть 1 шинь арась грабительский войнатнень каршес революционной войнъ вانونамань и кочкамань традиционной шикс.

Тяниень империалистический войнась трудящайхнени канды кулома, вачаши, разруха, чудовищнай страданият.

Большевикне тюрихть аф справедливый, захватнический войнатнень каршес. Силь ашихть справедливый, аф захватнический, освободительнай войнатнень инкса.

Коммунистический партиятне и народнай массатне вятихть вию тюрема агрессорхнень каршес. СССР-нь и сембе миронь трудящайхне седи вакса ульсь героический испанский народть ширеса, тяни седи вакса сийн ашихть великай китайский народть ширеса, кона кеподсь тюрема японский захватчикнень каршес.

Советский правительствать решениянц коряс 1939 к. Якстерь Армиясь освободил Западной Украинаста и Западной Белоруссияста минь братьяньконь польский шляхтат иганц алда. Якстерь Армиясь обеспечендась безопасностью Ленинград ошти, и белопиттнень эзда ароптф территорияста народсь примаф Советский Союзть великай семьязонза. Якстерь Армиясь лездсь Эстонияти, Латвияти и Литвати сатомс независимость, и сонь народонзон лихтезень капиталистнень гнетсон алда. Якстерь Армиясь макссь свобода, вольнай эряф Бессарабиянь народти.

Сембе странань трудящайхне надежда и гордость мархта ваныхть СССР-ть лангс, конац ащи неприступнай утесокс, миронь мощный стражкс и оплотокс.

Миронь сембе странань массатне Августть 1 шистонза кепсесазь эсь вайгяльсон мирть, Советский Союзть инкса, империалистический войнань провокаторхнень каршес, иностраннай разведкань троцкистско-бухаринский агенттнень каршес.